

## 2 Tesalonicenses

Mamabuinore coyuiyebu Pablo bácu ñi toivaicõjeye báquede yóbocayoca paperayocare Tesalónica ãmicrïmarocavu Jesúre jü aipõevare. Pablo bácu judíovacacu bácvacari, Jesús ñi yávaiye méne beorí coyucõjeimu marejaquémavu, coyucayu ñi yávaiye méne judíova ãmevhre, judíova ne jü abe boje ñi coyuiyede. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31, aru ñi c̄ede Tesalónica ãmicrïmaroi Hch 17:1-10, 20:1-5. Javede Pablo bácre toivacaipõecu bácre toivaicõjenejaquemavu ñi mamayoca paperayocare Tesalónica ãmicrïmarocavure, aru obebeaviaava yóbore toivaicõjenejaquemavu diyocare, ãniñua báquede 50-51 d.C. máre, p̄que ñi cucanuyede, coyucayu Jesús ñi yávaiye méne, ñi c̄ede Corinto ãmicrïmaroi. Pablo bácu coyurejaquemavu ñre toivacaipõecu bácre aipe ñi toivacaquiyé báquede diyocare.

Pablo bácu toivaicõjenejaquemavu diyocare napicõjecayu ina Tesalónicacavure ne ñájiyede ne jü aiye boje Jesúre (1:3-12, 2:13-3:5), aru coyucayu nurié Jesucristoi copaidaquino maquinóra, ne dápiabenajipe ayu javede copaidayu bácre yópe apevhu borocarivu ne ubenina arí coyuiye báquepe (2:1-12), aru memeicõjecayu Jesúre jü aipõevare (3:6-15).

*Pablo ñi meaicõjeino Tesalónicacavure  
(Hch 17.1; 1 Ts 1.1)*

<sup>1</sup> Yü, Pablo, toivaicōjeivü iyoca paperayocare. Silvano aru Timoteo que yü meaicōjeivü mūjare, Tesalónica āmic̄riīmarocavü Jesucristore jü aipōevare. Mūja majepacü Jāmenijicü aru maje jabocü Jesucristo jinatamu mūja. <sup>2</sup> Majepacü Jāmenijicü maje jabocü Jesucristoma que mearo dacajacarī mūjare bojecübeda ñi me boje. Aru torojarī cüre dajacarī mūjare cārijimevüva.

*Jāmenijicü ñi ñájine daquino āmeina teivüre  
Cristoi copaidaiyede*

<sup>3</sup> Mūja, ñüjevu, torojüede jívübu ñüja Jāmenijicare mūjare cainümu. Ñüje nópe daiye jaüvü ñüjare. Aru mearomu. Mūja coreóvaivübu aipe daiye jaüröre mūjare mūje cüede yópe Jāmenijicai üröpe, caride jave báque püeno. Aru caivü mūja coapa ürivübu mūjevüre caride jave báque püeno. <sup>4</sup> Que baru ñüjacapürapü torojarī coyüivübu mūje borore apeno ïmaroacavü Jesúre jü aipōevare. Coyüivübu mūje pare napiyede aru mūje jü aiyede Jesúre, apevü ne maucüvaede mūjare aru ne ñájine daiyede máre mūjare.

<sup>5</sup> Mūja ñájivübu mūje jü aiyede boje Jesúre. Aru mūje dajocabe boje mūje jü aiyede üre üetübevüva, Jāmenijicü cüre dacüyüme mūjare ñi jaboteinoi. Yópe acüyüme mūjare coapa: “Bojedacüyümu māre mi ñájiyede, mi jü aiyede boje Jesúre”, acüyüme Jāmenijicü. Que teni jādovacüyüme meacüre ñi dacaiyede pöevare yópe üre jaüépe. <sup>6</sup> Que baru Jāmenijicü dacüyüme yópe jaüépe. Ñájine dacüyüme ina caride ñájine daivüre mūjare. <sup>7</sup> Aru mūja caride ñájivüre, aru ñüjare máre, Jāmenijicü dajocare dacüyüme maje ñájiyede.

Nópe dacayame Jāmenijicʉ maje jabocʉ Jesú斯 ñi copaidaquijāravʉ baquinóre. Ëmechayame cavarō mearo Jāmenijicʉ curōre jocarī ñi ángeleva ñi paruede cavarivque. Aru darājarama toa uruiye jēneboi. <sup>8</sup> Nájine dacudacayame ina Jāmenijicʉre coreóvabevure aru ina jʉ abevure máre maje jabocʉ Jesú斯 ñi yávaiye méne. <sup>9</sup> Nácapūravʉ nájinajarama nájino cūiménoi. Maje jabocʉ Jesú斯, meacʉ baju, jarvacayame náre ñre jocarī, ne jāmenajiyepo ayʉ ñi ʉrarō paruede. <sup>10</sup> Caiye iye vaiquíyebu ñnijāravʉ, maje jabocʉ Jesúí copaidaquijāravʉ baquinóre. Copaidacayame ijāravai, ñ jina meara ne jínajiyepo ayʉ mearore ñre. Que baru caivʉ ina jʉ aivʉ me puedarājarama ñre dijāravʉ baquinói. Aru mʉja máre náque cūrājaramu, mʉje jʉ aiye báque boje ñʉje coyayiye báquede mʉjare Jesú斯 ñi yávaiye méne.

<sup>11</sup> Que baru jēniavaivabu ñʉja mʉjare ñʉje coyayede Jāmenijicʉque cainamʉa, “Mʉja, Tesalónicacavʉ Jesúre jʉ aipõeva, bojedacayamu yʉ mʉjare mʉje cūrājino mearoque, ji cutuiye báque boje mʉjare”, ñi aquiyepo aivʉ. Jāmenijicʉ mʉjare dare dajacurī caiye méne yópe mʉje daiyayepo ñi parueque. Aru mʉjare baojare dajacurī caiye mʉje mearo dacaiyede, mʉje jʉ aiye boje Jesúre ñi parueque. <sup>12</sup> Que teni põeva puedarājarama maje jabocʉ Jesúre, ñi mearo dacaiye báque boje mʉjare. Aru mʉjare máre puedacayame majepacʉ Jāmenijicʉ maje jabocʉ Jesucristomaque bojecubeda ñi me boje.

**2**

*Pablo ūi coyurī meadaino Jesúi daquinore  
(Mt 24.24; 1 Ts 4.15-17)*

<sup>1-2</sup> Muja, ñujoba, coyurājivabu mūjare maje jabocu Jesucristo ūi copaidaquiyede aru maje cójijinajiyede úque. Jēniaivabu ñujo mūjare, apecu ūi coyuru mūjare, yópe arī: “Ñai Espíritu Santo aibi: ‘Maje jabocu Jesucristoi copaidaijāravu eaivu jave’ ”, o “Pablojā aima: ‘Maje jabocu Jesucristoi copaidaijāravu eaivu jave’ ”, o muja jacopuivu baru paperayoca toivaiyede ñujo Pablojā ñujapeda teivu: “Maje jabocu Jesucristoi copaidaijāravu eaivu jave” arī, ju abejarā diede. Maumejiena oatuvabejarā maje dápiaiyede. Aru cuavare dabejarā maje ūmene, apecai coyuiye boje o no paperayoca toivaiye boje máre. <sup>3</sup> Quéda apecure jujovaicōjemejara mūjare.

Dijāravu baquinó, Jesúi copaidaquijāravu, eabequiyebu pu obedivu pōeva ne urarō maucuvaeta Jāmenijicre. Dinumu maquinó ñai ûmu ãmecu, býjacuyu yóboi, cuetecuyume Jesúi copaidaquiyeye jipocai. Jāmenijicu ñájini dacuyume úre, ñai ûmu ãmecure, toabo cūiméboi cainumua. <sup>4</sup> Ñai ûmu ãmecu mauchuvaschume caivu pōeva ne pēpeimarare, aru ne jāmenijinare, caivu apevu ne mearore jímarare, aru Jāmenijicre máre. Yópe arī, ñai ûmu ãmecu “Yurecabu paracu caivu apevu pueno”, acuyume. Que teni ecocuyume Jāmenijicu cūrami, dobacuyu yópe jabocupe. Aru, “Yurecabu Jāmenijicu”, acuyume caivure.

<sup>5</sup> Caiye iyede jave coyure cucacu yu mūjare ji cuede cāreja mūjaque. ¿Árumenarū mūja?

**6** Muja coreóvaivubu cūinácu cācure caride, ñai ûmú ãmechu ûi járobequiyede cāreja. Übenita yóboi, Jämenijicu beoijáravu baquinói, ñai ûmú ãmechu cuetecuyume. **7** Jipocamia Jämenijicu jäðovamenejaquemavu aipe ûi daquiyede pöeva ãmeina daivare. Übenita caride jäðovacuyume aipe ûi daquiyede náre. Cūinácu mauyaibi ñai ûmú ãmechure. Übenita Jämenijicu ícuyume ñai mauyayure úre jocarí. **8** Dinumú maquinóre cuetecuyume ñai ûmú ãmechu. Übenita maje jabocu Jesucristo ûi copaidaiyede boaríjaruvacuyume úre ûi yávaiye paruéque. Que baru copaidayu pñeno meacu baju bíjarocuyume úre.

**9** Ñai ûmú ãmechu cuyvacuyume ñai abujuvai jabocu, Satanás, ûi paruéde. Jäðovacuyume ûi ûrarõ paruéde ûi daquiyede caijlene pöeva ne jämene aru ne darí majibede máre, “¿Jämenijicu bárica û?” pöeva ne arâjiyepo ayu ubenina. **10** Ü jujovacuyume caiye ûi ãmeina daiyeque ina bíjarajivare Jämenijicure jocarí. Ü jujovarí buojacuyume náre, ne jacopubeni ube boje Jämenijicu yávaiyede jävene. Aru ne jaruvaiye boje ûi yávaiyede, Jämenijicu meadabecuyume náre. **11** Que baru Jämenijicuvacari jujovaicõjecuyume náre, ne ju arâjiyepo ayu borocude. **12** Que baru ñajine dacuyume caivu ina ûrivare ne ãmeina teiyede aru ûi yávaiyede jävene ju abevare máre.

*Pablo ûi aino “Jämenijicu beoibi meadacuyu mujare”*

**13** Muja, ñujevu, Jämenijicure jíye jauvu ñujare torojude cainumua, muja Jämenijicu umarare

boje. Javede ñi cuedaquiye jipocai caiyede, Jāmenijicʉ beorejaquemavʉ meadacʉyʉ mʉjare, ñai Espíritu Santoi daiye báque boje mʉjare Jāmenijicʉ jinava, aru mʉje ju aiye báque boje Jāmenijicʉ yávaiyede jāvene. <sup>14</sup> Ñʉje bueiyede báquede mʉjare iye Jāmenijicʉ yávaiye méne, ʉ culturejaquemavʉ mʉjare, mʉje jabotenajiyepē ayʉ maje jabocʉ Jesucristoque ñi jabotequiyede.

<sup>15</sup> Que baru, ñʉjevʉ, pararōreca ju ajarā cainʉmʉa iye ñʉje bueiyede jāvene, ñʉje coyuīye báquede mʉjare aru ñʉje toivaiye báquede paperayocaque máre. Aru cainʉmʉa dajocabejarā diede.

<sup>16</sup> Jēniaivabu ñʉja maje jabocʉ Jesucristore majepacʉ Jāmenijicʉmaque, majare ʉcure. Majare cadateyʉbe, ñi me boje dajocabecʉva. Aru majare napini corede dayʉbe ñi mearo dacaquiyede majare. <sup>17</sup> Dajacʉrī mʉjare pararivʉ mʉje ûmei aru jidʉbevʉ mʉje coyuīyeque aru mʉje daiyeque máre, me maquiyépe cainʉmʉa.

### 3

#### *Pablo ñi aino “Jēniajara ñʉjare Jāmenijicʉque”*

<sup>1</sup> Mʉja, ñʉjevʉ, jēniajara ñʉjare Jāmenijicʉque, apevʉ obedivʉ pōeva ne jápiarājiyepe aivʉ maje jabocʉ Jesucristoi yávaiye méne maumena, ne ju arājiyepe aivʉ diede, aru ne jínajiyepe aivʉ mearore Jāmenijicʉre, nópe vaiye báquepedeca mʉjaque. <sup>2</sup> Aru jēniajara ñʉjare Jāmenijicʉque, ñi meadaquiyepe aivʉ ñʉjare ina pōeva ãmena, ne ãmeno dabenajiyepē aivʉ ñʉjare. Pōeva obebevʉ ju aivabu Jāmenijicʉ yávaiye méne. Que baru ina

ãmeina daivu aru apevare máre ãmeno dare daivu ãmeno ñajare.

<sup>3</sup> Ùbenita maje jabocu Jesucristo cainumua dayube yópe ñi aiye báquepedeca. Que baru jáve parare dacuyame mujare muje ûmene. Aru jári corecuyame mujare ñai abujuvai jabocu, ñi ãmeno ñabequiyepa ayu. <sup>4</sup> Ñuja coreóvaivubu maje jabocu Jesucristo cadateyare mujare, muje ju aiye boje ùre. Que baru coreóvaivubu muja daivure yópe ñuje bueiye báquepe mujare, aru darajivure máre yópe ñuje bueiyepe iyocaque caride. <sup>5</sup> Ñuja jeniaivubu maje jabocu Jesucristo que, ñi napine ñabequiyepa aivu mujare parrõreca yópe ñi baju napino mácarõpe, aru muje ñarajiyepa aivu põevare yópe majepacu Jámenijicu ñi uepe majare.

### *Memeiye jaurõ*

(Hch 18.3; Gá 6.9; 1 Ts 2.9)

<sup>6</sup> Muja, ñajevu, yóvaicõjemevu ñuja mujare, maje jabocu Jesucristoi parueque, ina mujacavu jüracurivure aru ñabevare máre yópe ñuje bueiye báquepe. <sup>7</sup> Mujavacari coreóvaivubu aipe daiye jarõre mujare, darajivu nópe ñuje ñarõ cõmajije báquepe muje jeneboi curivu câreja. Memeiyubevu ñametecarã ñuja. Quénora jüracubevuva ñrarõ memecarã. <sup>8</sup> Jacopubetecarã ñuje ñaiyede mujaque bojecubeda. Quénora cainumua bojedacarã mujare muje jíye báquede ñajare. Ùrarõ memeivu batecárã järavure aru ñamine máre, muje ñájimenajiyepa aivu ñajare jaué boje. <sup>9</sup> Ñuja jeniari buojajebu ñajare jauéde, ñuje bueiye boje Jesús ñi yávaiye méne. Ùbenita quéda jeniametecarã mujare. Jádovacarã mujare ñuje daiyeque aipe daiye

jaurõre mujare. Que baru dajarã m̄ja yópe ñuje jādovaiye báquepe. <sup>10</sup> Javede ñuje c̄vaquede m̄je jēneboi, yópe ar̄i, “Ñai memeiyabecure jíbejarã ãiyede”, daicōjeivu batecárã mujare. <sup>11</sup> Nópe ar̄i, coyuivubu ñuja mujare, ñuje jápiaiye boje ne borore, apevu m̄jacavu jūracurivare. Nácapúravu mememema, bojedarãjivu náre jauéde. Quedata cārijovadama náre ina memeivare ména.

<sup>12</sup> Que baru, ina m̄jevu memeiyabevare coyuivubu ñuja caride. Maje jabocu Jesucristo ūi parueque memeicōjeivubu náre. Aru parurõreca jēniaivubu náre, ne memenajiyepa aivu cārijovamevare apevare, ne c̄varajiyepa aivu ne ãiyeva.

<sup>13</sup> Ubenita m̄ja, ñujevu, uetubejarã mearo daivu.

<sup>14</sup> Apecu mujacacu ūi j̄ abedu ñuje coyuiyede yo paperayocaque, ūre coreóvarí caivu m̄ja yóvabejarã ūre, ūi cuyoje tequiyepa aivu. <sup>15</sup> Ubenita jāmejara ūre yópe m̄je jāiyepa m̄je maucure. Quénora coyujarã aipe daiye jaurõre ūre yópe m̄je majicaiyepa m̄jeyocure.

### *Pablo ūi meaicōjeino Tesalónicacavare*

<sup>16</sup> Maje jabocu Jesucristovacari cārijimenoque care dayu p̄oevare, care dajacurí mujare cārijimevava cainumua. Maje jabocu Jesucristo c̄jacurí caivu mujare. <sup>17</sup> Yévacari, Pablo, toivaivu ji p̄uque caride. Meaicōjeivu caivu mujare. Caiyoca ji paperayocare toivaivu yu yópe, jādovacuyu mujare jāve ji toivaicōjeiye báquede. Que toivaivu yu. <sup>18</sup> Urarõ mearo dacajacurí mujare

2 Tesalonicenses 3:18

ix

2 Tesalonicenses 3:18

maje jaboch Jesucristo bojechbeda ai me boje.  
Quénoramu.

# **Majepacʉ jūmenijicʉ yávaiye mamaene coyʉitucubo**

## **New Testament in Cubeo (CO:cub:Cubeo)**

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cubeo

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files

dated 29 Jan 2022

dbd749ed-4c37-5cd8-b20e-caf1f8ff5885